

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), u vezi s članom 17. Zakona o pravobranilaštvu („Službene novine Srednjobosanskog kantona“, broj 8/17), Vlada Srednjobosanskog kantona na sjednici održanoj 31. 8. 2023. godine, na prijedlog Ministarstva pravosuđa i uprave, objavljuje

JAVNI OGLAS
za imenovanje kantonalnog pravobranioca

I. Naziv pozicije:

- kantonalni pravobranilac.....1 (jedan) izvršilac

Mandat kantonalnog pravobranioca traje četiri (4) godine i može biti ponovno imenovan.

Sjedište Kantonalnog pravobranilaštva je u Vitezu.

II. Opis poslova

Kantonalni pravobranilac predstavlja Kantonalno pravobranilaštvo, rukovodi njegovim radom i obavlja druge dužnosti utvrđene zakonima Federacije Bosne i Hercegovine, Zakonom o pravobranilaštvu te drugim kantonalnim propisima i općim aktima.

III. Uvjeti za imenovanje kantonalnog pravobranioca

Kandidat za imenovanje na poziciju kantonalnog pravobranioca dužan je ispunjavati sljedeće opće i posebne uvjete:

a) Opći uvjeti

1. da je državljanin Bosne i Hercegovine;
2. da je stariji od osamnaest (18) godina;
3. da nije otpušten iz državne službe kao rezultat disciplinske mjere na bilo kojem nivou vlasti u BiH u razdoblju od tri godine prije dana objavljivanja ovog Javnog oglasa;
4. da se na njega ne odnosi član IX.1. Ustava Bosne i Hercegovine;
5. da je zdravstveno sposoban za obavljanje funkcije kantonalnog pravobranioca.

b) Posebni uvjeti

1. visoka stručna sprema, VII/1, pravni fakultet, odnosno visoko obrazovanje najmanje drugog ciklusa diplomskog univerzitetskog studija bolonjskog sistema studiranja koji se vrednuje s najmanje 300 ECST bodova, pravne struke;
2. položen pravosudni ispit;
3. radno iskustvo u radu na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim licima u trajanju od najmanje pet godina nakon položenog pravosudnog ispita;
4. da nije na funkciji u političkoj stranci u smislu člana 5. Zakona o ministarskim vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13);

5. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 70/08) te da ne obavlja drugu službu ili posao.

IV. Potrebna dokumentacija

Kandidati su obavezni priložiti sljedeću dokumentaciju, u originalu ili ovjerenj fotografiji:

- prijavu s tačno naznačenom dokumentacijom koju kandidat dostavlja, svojeručno potpisanu;
- biografiju s kontakt podacima i pobliže opisanim prethodnim radnim iskustvom (iskazanim radnim i stručnim sposobnostima, dodatnim znanjima, usavršavanjima, obukama i seminarima, objavljenim stručnim i znanstvenim radovima te drugim znanjima, vještinama i sposobnostima relevantnim za predmet ovog javnog oglasa);
- izvod iz matične knjige rođenih;
- uvjerenje o državljanstvu, ne starije od 3 (tri) mjeseca;
- diplomu o završenoj VSS, pravnog smjera, ako je stečena na pravnom fakultetu u drugoj državi, potrebno je dostaviti i ovjerenu nostrifikaciju izuzev ako je diploma stečena prije 6. aprila 1992. godine u bivšoj Jugoslaviji;
- uvjerenje o položenom pravosudnom ispitu;
- uvjerenje ili potvrdu o radnom iskustvu s tačno naznačenim i opisanim poslovima na kojima je kandidat radio,
- ovjerenu izjavu:
 - a) da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objave ovog javnog oglasa;
 - b) da se na njega ne odnosi član IX.1. Ustava Bosne i Hercegovine;
 - c) da nije član političke stranke i da ne učestvuje u aktivnostima političkih stranaka;
 - d) da nije na funkciji u političkoj stranci u smislu člana 5. Zakona o ministarskim vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13);
 - e) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 70/08) te da ne obavlja drugu službu ili posao (s naznakom da će, ako u vrijeme prijave obavlja drugu službu ili posao, ukoliko bude izabran, podnijeti ostavku ili na drugi zakonski način prestati vršiti taj posao ili službu).

Za kandidate koji budu predloženi za konačno imenovanje po službenoj dužnosti će se tražiti podaci da nisu osuđivani za krivična djela i da se protiv njih ne vodi krivični postupak.

Kandidat koji bude konačno imenovan za kantonalnog pravobranioca obavezan je prije davanje svečane izjave dostaviti uvjerenje o zdravstvenoj sposobnosti za obavljanje te dužnosti.

V. Podnošenje prijave

Svi kandidati koji budu ispunjavali opće i posebne uvjete bit će pozvani na intervju pred Komisijom za izbor kantonalnog pravobranioca. Prije intervjua, kandidati su dužni popuniti obrazac, u kojem će navesti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjua.

Javni oglas objavit će se na web-stranici Vlade Srednjobosanskog kantona u "Službenim novinama Federacije Bosne i Hercegovine" i u jednom dnevnom listu.

Rok za dostavljanje prijava je 15 (petnaest) dana od dana posljednjeg objavljivanja Oglasa.

Nepotpune i neblagovremene prijave neće se razmatrati.

Prijave s traženim dokumentima mogu se dostaviti lično ili poštom – preporučeno, u zatvorenim kovertama, s naznakom „Prijava za javni oglas za imenovanje kantonalnog pravobranioca - NE OTVARATI“, na adresu:

Ministarstvo pravosuđa i uprave Srednjobosanskog kantona
Komisija za imenovanje kantonalnog pravobranioca,
ul. Stanična 43., Travnik.

Na poleđini koverte treba navesti ime i prezime podnosioca prijave, njegovu adresu i kontakt telefon.

Bilo koji kandidat ili zainteresovana stranka, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom. Prigovor se podnosi istovremeno Vladi Srednjobosanskog kantona i Ombudsmenu za ljudska prava BiH.



PREMIJER KANTONA

Tahir Lendo, dipl. ing.

Broj: 01 - 04.1 - 6563/2023 - 26
Travnik, 31. 8. 2023.